


南嶽真形符



西嶽華山鎮之號曰總仙洞天在華陰縣地
肺山女几山二山為輔嶽封金天順聖帝主
羽翼之事

西嶽

西嶽真形符



北嶽恒山并州之鎮號曰總玄洞天在定州
曲陽縣逢山抱犢二山為輔嶽封安天元聖
帝主五穀果熟之事

北嶽

北嶽真形符



中嶽嵩山號曰司真洞天在河南府登封縣
少室武當二山為輔嶽封中天崇聖帝主地
土山谷之事

中嶽

中嶽真形符



三皇內文遺秘終

秘藏通玄變化六陰洞微遁甲真經卷上
太上曰夫欲傳授之士須當澡沐潔身鄭重
先姓名香仰視北辰虔心祝香仰啓
昊天玉皇上帝
太上九天玄女元君

聖師玄天上帝臣乃太上弟子昨受太上玉
女六陰洞微經法皈身佩奉依法行持伏願
天垂福祐地賜休祥大道速成願心早畢臣
拜授此經已後永為行持無輕語誑妄無易
泄非人無橫用邪為無往求雜慕臣從得此
法願求長生次利百姓濟民助國退獨入清
蕩妖殺邪惟希三天大鑒萬象咸知賜臣通
靈使臣遂願如或妄行妖邪臣甘犯天誅聖
真勿祐急急如律令施行

傳後消吉日置油麩餅七箇歡喜團七箇
淨布七條羹湯七盞於二更時星月朗明
向北斗下置七位供養烈大豐香手執此
經稽首百拜告云
臣傾心瀝志集氣會神再拜上香以虔盟誓
臣乃太上之子久行清靜誠測天心欲離塵

九願歸蓬島臣虔誠拜告有事上聞伏願真慈俯垂憫鑒臣以今於某月日承受太上玉女六陰洞微經臣欲行持願垂盟鑒臣受此法不敢輕為非急難救人誓無謬用臣今虔誠恭對尊儀誠誓此言或不遵依甘當罪罰凡有急緩救應願垂加護即前進上香再拜低聲祝曰

臣欲二三玉女為臣之使上達天廷下巡世界飛符走印祛邪斬妖一切應用臣欲驅使伏希尊慈俯垂降鑒復上香再拜祝曰

臣所言事已告御前伏冀威靈時加護祐再拜訖收香座

再進吉日備茶一分酒一盞果子一盤二更時不令人見向北辰下簷底設香座上香再拜虔誠啓請

此極鎮天真武靈應真君今夜今時願垂降駕臣有小事百拜上奏御前臣奉太上之勅法錄行持斬鬼祛邪助國安家家求仙學道給濟孤貧欲以六陰洞微經行持驅使二三玉女和平天地制禦邪魔於理所為欲從其願

伏願帝君東鑿加助威靈敢仗高真永居正位安印之所即是道場伏望聖慈下恢聖德即以兩大指作訣祝曰

天清地寧 陰濁陽清 睽目散髮 龜蛇合形 手執寶劍 斬伐邪精 來居吾室 主六陰尊

聽吾告臣 從吾所陳 永鎮中位 護至仙成 急急如律令七遍再上香祝曰

臣欲以二三玉女為使一切所作祛使願帝君加護同佐神麻不勝大幸再拜收座辭退

大會祭儀於方日先寫狀并符請聖

曰某郡佩某錄弟子謹謹先伸拜請

祖師北極鎮天真武佑聖真君願垂聖駕證盟大法酌酒

丁卯真君前啓請

奉請丁卯玉女足日之字保中無極仁福真

君聞臣之香降臨壇所焚香焚命同符誦本

奉請丁丑玉女烝無上字太和橫天仁實真

君聞臣之香降臨壇所

奉請丁亥玉女陸明集字廣陽都府仁元真

君聞臣之香降臨壇所

奉請丁酉玉女救欽靈字正一亞夫仁休真

君聞臣之香降臨壇所

奉請丁未玉女乘素靈字玄英無比仁至真

君聞臣之香降臨壇所

奉請丁巳玉女朱福稱字文廣高上仁德真君聞臣之香降臨壇所


右臣今奉請二三玉女已幸降臨伏乞真靈俯垂大造隨請下降法駕受臣懇禱左手中指右手大煞文叩齒三十六遍念六陰六丁


玉女八素隱言呪曰 龍曜九炁 五嶽從之 天蓬四聖 十元八極 斗星百靈 十二日直 玉女六丁 願垂真光 助法救攝吾奉

太上老君洞微律令救連念三遍


逐一攝六丁本身訣玉女名召之

罡步





藏形隱跡 步我罡冠 我見其人 人無我知
 動植如意 叱聲鬼隨 疾如水火 鼓舞風雷
 變澤成山 翻地覆天 我身堅固 安然默然
 萬載長生 與道合仙 急急如
 九天玄女律令敕



謹明某
 丁卯年庚午月庚午日
 敬啟者
 竊聞靈寶天尊降臨是末末靈寶急急如律令敕
 足日之
 宋福和

取逐方炁吹壇中奉請五女依位而坐燒
 本身符六道於壇中叩齒瞑目存想玉女
 六位降臨壇中再拜上香祝曰
 臣今奉請

真武真君外次焚香請召二三玉女想已降

臨坐次弟子某稽首再拜某是
 太上老君弟子久持聖道欲願長生履清淨
 規行與妙事長親至道秉命修行上為祖先
 魂神下濟萬民安疫臣奉持法錄依道攝行
 今欲置壇裝嚴淨室依科管辦生祭真君仰
 賴威光俯垂洞鑒某欲克仙理為國安民况
 水行符祛邪治鬼上助國家之用下扶身命
 之為不論巨細一切運動之事皆賴威仙當
 作使者助某行持聽某指陳東西南北悉皆
 從順稱名畫印如聞啓請即時來臨記其所
 言不可失信上香拜輕輕
 近前低語云
 吾領太上之命玉皇之勅平調宇宙安輔國
 家與兵發為使鬼祛邪今祭仙靈永為佑使
 須管隨吾機變依吾所為欲有不從當行太
 上之命玉皇之敕斬神之身滅神之德伏惟
 靈通下垂聽聽
 再拜上香舉酒次設拜跪膝叩齒祝云
 弟子姓某謹遇大會之夜敬祭于二三玉女
 之前切念某惟性自然心受天章本師有約
 太上之傳今遇大會聊獻于騰風伯灑掃雨

師淨壇奉祀某心好禱禱陳各通姓願奉真
 光終身奉祀永不相忘今日拜祭美食脯香
 安邑大棗細核小棗百清香酒浮蟻傾漿時
 新五果白米嘉糧敬受我祭慈意斟常酒醉
 食飽隨我行藏凡有禱語一一相當常隨我
 所常祐我傍我之所願遂意吉昌我所到處
 與真偕行隱顯往返萬事安肅速成大道早
 達仙鄉我有諸苦真與告拜我有所欲真當
 隨長入敵保國萬事為良扶衛我身與天地
 藏傾灌真醑伏惟尚饗急急如太上律令勒
 又再拜上香逐一誦本身咒取氣一口吹
 座上密云
 丁卯玉女得太上六陰經洞微真文知神之
 姓知仙之名有法召仙有法使神往來三界
 出幽入冥行住坐卧皆賴仙真召之至召
 之立臨人間萬事令我通聞願以昭報幸勿
 違戾急急如律令勒
 念三遍從丁卯方取氣吹之次丁丑吹之
 別方同再虔上香呪曰
 能役六陰 出幽入冥 無畏無怖 亦無所驚

隨符轉 隨音印行 祛除萬禍 集福一身
日動夜藏 不得違令 急急如律令勅

如是連匝畢如此六處一同正位上香拜
拜訖收符一道燃成圓子用各位酒服拜
謝畢如此六處一同正位上香念此語云

再今奉法吾乃為師以直為弟吾欲所遣神
可隨吾自此已往不離吾身金錢書馬助真
之程凡有施為不可失信先化錢紙畢收塵

宋尚書右僕射趙普進經表

臣聞天之可度則覆物必廣人之有奇則建
功不難設當時天運之事必降風雲之會臣
某始隨陛下收復諸國未嘗不失圖書於祕
府功須不及漢之蕭相其志則無異也且諸
祕閣所藏之書可謂祕矣如太白陰經驅雷
兵三十六府氣運圖起風雲十二戒法縮水
龜典拔木神經若此祕文不可勝數然究其
實不亦難乎其義渺茫其辭枝蔓或受戒之
後終身不飲有法之後舉族不葷既奉此遂
不復奉彼修設或有反必有巨災不可急救
臣愚觀之未得盡善一日有羅浮山隱士劉

罕為臣曰古有玄祕之文必得之矣臣曰諾
劉罕以為未也因出紫囊於案乃焚香設拜
啓囊取書授臣曰黃帝得伐殺蚩尤於阪泉
之野藏之天府厥後授之堯舜禹湯文武戰
國失之秦皇獨得焉驅神陰助既統海內復
以無道失之迨秦歷漢或諸侯得之散落四
海者多矣嗚呼有得而不能奉持者有行而
不能恭敬者皆不能成功惟前漢陳平後漢
鄧禹蜀諸葛亮唐郭子儀李靖五子得之恭
謹而行每運用奇計人不可測凡行師出軍
偷營劫寨雷風電雨隨時而至自五子已往
此法不聞於世矣臣某慵懶隱于羅浮山積
有歲矣先師珍藏是文積有年代曾戒臣曰
若逢聖明真主啓運當有真人助之汝當持
此以獻倘公能恭敬謹信而行之則功不在五
子之下臣敬事之約半歲或聞有人耳畔言
軍國利害臣願室內絕無人跡疑惑心開或
言曰吾乃六甲天神慎勿猜忌臣自此轉加
敬懼厥後耳畔報應日逐事件不可偏舉至
於親侍陛下收復諸寇勢如破竹非臣之謀

長策遠實六神之力也且若行師之日王金
斌崔彥迪劉光義曹彬等惟知臣事此神臣
謂之曰某日雨某日風某日火燒營寨萬不
失一其法可謂通玄捷徑劉罕豈凡人哉其
人厥後隱遁寂不知其所以莫非天授我宋
耶實囊括諸家之祕誠玄妙不傳之文直書
其事謹錄上進較其始終符呪止千餘字乞
藏玉匱亦永保國祚萬年以賴神天之感開
寶四年七月初一日奉聖旨玉匱藏之安祕
書閣

遁甲神經出處序

昔蚩尤作亂黃帝頻戰不克帝曰聞伏羲治
天下無兵今蚩尤一庶人生妖氣伐而無功
戰而不克吾之過矣忽目前五色雲從空而
下雲中有六玉女持書出二童曰奉九天玄
女聖命送遁甲符經三卷告與伐之願傳此
文乃天地禍福是八卦之吉凶辯風雲之變
動識氣候之成敗觀日月之盈虧論陰陽之
順逆曉星辰之休咎知人情之勝負此術乃
萬變萬化之法也帝乃長跪而受之二童子

1003 A 10-4-1-5

并玉女乘雲而去帝遂開函得陰符經三卷
上卷乃神仙鍊丹抱一之術說長生之法中
卷安邦定國撫安王民之法下卷論戰伐之
事適甲者乃玄女之法帝得之而設壇造印
劍令依此戰室尤於涿鹿之野爾後厥勝藏
之金殿後大亂巢黃楊出得之傳於凡世得
之者夙緣慶幸遇之者決勝如仙可宜慎之
勿傳下等凡夫六丁者天下之正神不同尋
常青龍明堂太陽等神長隨玉女受之使喚
在天地之內如隱身遁形以左手持刀閉氣
一口右轉畫一圓圈聞惡人在內便於外作
局子六尺如惡人在外便於內作局子六尺
如在野外仍於野外作局子變神用第六條
各長一尺二寸逐句青龍依次排之而直放
箕子到玉女門上以左手揮之箕橫著閉門
却從天門地戶而去閉門了身形遁已每一
箕子存為一人也玉女到太陰住想外人不
見我也仍先念淨口身神呪左手結印右手
執劍踏北斗丁罡七步披頭仗劍念了淨口
淨身神呪閉目藏睛默念七星名字一遍斷

訣關土地念呪須向方取氣吹之前却使捏
火行此法出入行軍用馬不問凶神惡煞入
地迴避不敢當途他眾我寡或萬軍圍掩但
望天罡取氣所指之方去千軍不覺萬軍不
見此玄妙口訣千金不傳萬金不度勿泄天
機乃護國之寶不為人見矣

秘藏通玄變化六陰洞微遁甲真經卷上

正一天師清微弟子百堅製作
道教學術資訊網

秘藏通玄變化六陰洞微遁甲真經卷中

太上老君六陰玉女洞微經法上傳

授感應式

太上曰夫欲入道必先探賾玄微奧旨與兵
發馬守道潛形祛邪逐惡保佑元真此乃吾
之至要之門進登仙品莫非是事況此法也
通天清之與路達地濁之淵微理燭古今道
冠萬術於身益者上謁官長利見王公逐鬼
退殃迎祥致福飛符走印制伏狂妖求道欲
仙忠情任意於國益者與兵發馬立紀陳綱
治水潦之災滅饑饉之苦乃感王侯之夢合
諸人物之心入水登山行幽坐險若非此法
安可如然而登玄理太上曰吾傳此經法流
布人間以濟仁人者之用事非是其徒切莫
私味之可與子之千金不可泄吾六甲陰經
者自古至今未嘗有不從此用事而得成道
者也則在處禁衛吏兵即時為罰報殃滯災
咎橫生或非道之士恪以誠心實以世賄為
意而等閑傳授罰加倍焉太上曰夫欲傳授
之士須當潔沐潔身鄭重先姓名香仰視北